



Hildward Croes

E reaccion ta sumamente grandi p'e roadmarch ganador "Music"



Esaki ta Cachete cu a duna nos di conoce cu e lo ta lanzando un CD/DVD pa celebra e hecho cu 25 aña pasa e la cuminza den carnaval como prins y pancho, pa despues drenta calypso y Roadmarch.

Dialuna anochi nos tabata invitado special di Hildward den Vanilla Kingdom Studio unda nos a combersa ampliamente cu e compositor y areglista di e tema ganador di roadmarch "Music" canta pa Teddy Philips. Nos a puntra Hildward kico e ta pensa riba e comentario chikitanan cu ta circula riba e tema cu e la traha cu ta sona manera un tema di Trinidad of eventualmente esun di Le Groove "Soca is we culture". E la duna di conoce cu e ta reta cualkier hende p'e por trece e tema cu ta mescos cu "Music", e sa cu esaki ta un inspiracion cu e la haya un mainta y riba esaki e la cuminza cos'e riba dje cu awe ta e tema cu lo comnada e temporada di

carnaval. P'e cosnan aki ta haci'e mas grandi ya cu nan ta muestra cu e tema "music" a dal nan demasiado duro. Pero e no ta precupa su mes cu esaki. Aworaki nan ta den spot light y diasabra awo nan ta den parade di lus, ya cu te cu diasabra anochi ainda nan no tabatin nada. Despues cu e resultado a bin dilanti e peticion pa Dushi band ta riba caminda a drenta di un forma increibel., pero no pa esaki so pero pa presentacion priva y publico. E bandanan ta hayando e sequencia y e letra pa nan toca esaki riba caminda. No obstante cu e tempo cu esaki ta den aire, ya caba TBS tin esaki den nan version Asambeho... Hildward Croes despues di e 'home run' aki e ta super feliz ya cu e tabatin speranza cu e lo por yega leu cu e tema aki, pero di a bai cu e premio mayor tambe ta bon y awo e trabao ta sigui.

Den studio nos a bin topa Cachete tembe cu a muestra cu e ta completamente recupera di e virus cu ta pasando rond y cu actualmente Teddy Philips tin'e...plus e la señala cu e lo ta lanzando otro siman un DVD / CD como sinonimo di su 2 aña participando den carnaval directamente.



Hildward Croes a muestra su maestria y a duna loke e publico tin sed p'e. "mi a traha un roadmarch pa manda un mesahe di loke e musico ta sinti ora cu nan ta toca pa su publico. "Music" t'e tema cu lo comanda e tempordada di carnaval. Mi tabata sa cu e tema aki lo a hala hopi atencion, pero n'e alturanan aki e ta superando mi mesun expectativa...